

AANSOEK OM PROSPEKTEERREGTE EN OMGEWINGSMAGTIGING OM TE PROSPEKTEER IN SEEKONSESSIEGEBIED 10B, LANGS DIE WESKUS DEUR TRANS ATLANTIC DIAMONDS

Datum: 7 Junie 2022 **Tyd:** 16:30 – 17:00

Lokaal: Kotzesrus Kerksaal, Kotzesrus, Noord-Kaap

Aanbieder en Omgewingsassesserings-praktisyn: Cheruscha Swart – Anchor Environmental Consultants (Pty) Ltd

Bystand: Simone Louw – Anchor Environmental Consultants (Pty) Ltd

OPENBARE VERGADERING NOTAS

AFKORTINGS

| | |
|--------|---------------------------------------------------------------------------------------------------------|
| Anchor | Anchor Environmental Consultants (Die Omgewingsassesserings-konsultante) |
| BAR | Basic Assessment Report – Basiese Assesseringsverslag |
| B&GPe | Belanghebbende en Geaffekteerde Partye |
| DFFE | Department of Forestry, Fisheries and the Environment – Department van Bosbou, Visserye en die Omgewing |
| DMHE | Department van Minerale Hulpbronne en Energie |
| EAP | Environmental Assessment Practitioner – Omgewingsassesserings-praktisyn |
| TAD | Trans Atlantic Diamonds (Die aansoeker) |

ALGEMENE OPMERKINGS

- Soos deur die regering vereis, is COVID-19-protokolle nagekom.
- Cheruscha Swart het die deelnemers verwelkom en die vergadering gelei.
- Simone Louw, ook 'n omgewingskonsultant by Anchor, het tegniese bystand gelewer en die minute van die vergadering geneem.
- Die vergadering is slegs deur twee belanghebbendes bygewoon.
- Cheruscha het verskeie onderwerpe bespreek, en deelnemers is na die aanbieding die geleentheid gebied om vrae te vra en kommentaar te lewer.

1. VERWELKOMINGS

Me. Swart het almal om 16:30 verwelkom. In totaal het slegs twee mense die vergadering bygewoon.

2. DOEL VAN DIE VERGADERING

Om aansoek te doen om prospekterregte moet omgewingsmagtiging ook verkry word. Die omgewingsmagtiging gee dan die aansoeker (prospekteerders) die reg om sekere aktiwiteite wat gepaard gaan met prospektering, uit te voer. Om omgewingsmagtiging te verkry, moet 'n Basiese Assesseringsproses uitgevoer word. Dit sluit in, onder andere, 'n assessering van die potensiële impakte van prospektering in daardie gebied, en ook 'n Openbare Deelnameproses en vergadering waartydens die gemeenskap hulle insette kan lewer en vrae kan vra oor die proses. Daar word ook 'n "Pre-Consultation" vergadering met die gemeenskappe gehou voor die spesialis- en impakstudies uitgevoer word. Die doel is om die gemeenskappe en ander geïnteresseerde en geïmpakteerde partye in kennis te stel van die projek en geassosieerde aktiwiteite en sodoende die gemeenskap se insette daarvoor te kry en vrae te beantwoord sodat hierdie in ag geneem kan word tydens die impakstudies. Die "Pre-Consultation" word ook as 'n geleentheid gebruik om kontakbesonderhede van ander belangrike gemeenskapvertegenwoordigers en organisasies te kry om hulle in kennis te stel van die proses en toekomstige openbare deelname proses. Al hierdie inligting en bevindings word dan saam met die vrae en kommentaar van die belanghebbendes in 'n verslag saamgestel en aan die Departement van Minerale Hulpbronne en Energie (DMHE) voorgelê. Lede is ingelig dat hierdie die Pre-Consultation meeting is en nie die amptelike openbare vergadering nie.

3. BEKENDSTELLINGS

Anchor Environmental Consultants is voorgestel as die Onafhanklike Omgewingsmaatskappy wat deur die aansoeker, Trans Atlantic Diamonds, aangestel is om 'n Basiese Assesering van die voorgestelde aktiwiteite uit te voer. Anchor doen werk reg oor Suid-Afrika en ook in verskeie lande in Afrika en Wêreldwyd. Hulle werk sluit onder andere in omgewingsstudies en evaluering, plant- en dieropnames, vissensusse, studies rakende die lewensbestaan van gemeenskappe, impakstudies vir beide die omgewing en gemeenskappe, Basiese Assesseringsprosesse en die ontwikkeling van omgewingswetgewing en bewaringsprogramme. Hulle studies fokus op verskeie habitate insluitende die see, vleilande, varswater en landelike gebiede.

Trans Atlantic Diamonds is voorgestel as die aansoeker. Hulle is 'n gelisensieërde, ongeslypte diamanthandelaar wat al sedert 1986 in die diamantbedryf betrokke is. Hulle is 'n onafhanklike, aanlyn diamantverkoopkanaal wat kopers en verkopers met mekaar verbind en 'n verkoopsoplossing vir produsente, klein ambagsmynwerkers en verskaffers bied. Hulle is goed bekend in die diamantbedryf en het meer as 30 jaar ondervinding.

4. PROJEKOORSIG

Die doel van die voorlegging is om meer inligting oor die Basiese Assesseringsproses, prospekterwerk, potensiële impakte en versagtingsmaatreëls aan die gemeenskap te gee. Dit sal belanghebbendes in staat stel om die projek beter te verstaan en so betekenisvolle kommentaar te lewer. Die volgende onderwerpe is bespreek:

- Agtergrond van die projek
- Projek aktiwiteite
- Versagtingsmaatreëls

5. VRAE EN KOMMENTAAR

- Die deelnemers is bedank en die vloer is oopgemaak vir vrae en kommentaar.
- Cheruscha het ook gevra vir insette vanaf die gemeenskap in terme van wat hulle wil hê in ag geneem moet word deur die spesialiste en die EAP, watter belangrike organisasies en mense gekontak moet word en wat hulle wil hê Anchor moet doen van hulle kant af.
- Daar is vir die deelnemers toestemming gevra of hulle op bandopname opgeneem mag word. Hulle het ingestem.

Vrae/ kommentaar

- Waterval Namakwaland is 'n kampeerterrein op 'n plaas aangrensend aan die konsessiegebied geleë. Dit strek vanaf die mond van Ruitersvlei tot by Skulpbank. Die kampeerterrein is voorheen Strandfontein 559 genoem. Die eienaar van die plaas (en kampeerterrein) wou weet wat die impakte van die prospekteraktiwiteite op die grond sal hê. Hulle is bekommerd oor visuele en ander gevolge op hul toerismebesigheid. Hul is ook bekommerd oor die impakte op aktiwiteite soos branderplankry.
- In Desember, in die somer, is 'n “elephant/ leopard seal” in die plaaslike area opgemerk, en versagtende maatreëls moet ingestel word om te verhoed dat seesoogdiere soos hierdie rob benadeel word.
- Die Waterval plaaseienaar het 'n direkte skakel van die kennisgewing, verslag en opsomming van die vergadering versoek.

6. AFSLUITING

Die deelnemers is bedank en die vergadering is beëindig.